

5237.48/02336(39)



丁卯詩集卷上目錄

魏道真郢州刺史

許普渾用海

近體詩

登七言律詩一百六十九首

金陵懷古

姑蘇懷古

凌歊臺

驪山

咸陽城東樓

京口閑寄京洛友人

登越王臺懷歸

對雪

送蕭處士歸緱嶺

與韓鄭秀才同舟

長安歲暮

贈茅山高拾遺



答李秀才緘書

贈蕭兵曹

題舒女廟

姑熟官舍

凌歊臺送韋秀才

送盧判官

夜泊永陽戍

鄭侍御廳玩鶴

貽二道者

故杜少保池亭

秋日早朝

滄浪峽

登故洛陽城

寄釋子栖玄

暮宿東溪

雲陽驛西亭蓮池

題勤尊師山居

懷舊居

寄高拾遺

哭虞將軍

韋隱居郊園

酬薛秀才見貽酒藥

別劉秀才

次天姥峯下對

遊李隱居西齋

戲贈楊叡評事

晚回東郭

送楊秀才昆仲

送郭秀才遊天台

送張尊師歸洞庭

寄前李明府

再遊姑蘇玉芝觀

夜歸驛樓

題靈山寺行堅師院

題韋長史山居

贈李伊闕對松崖題

重遊練湖懷舊

送靈聰上人不及

清河亭

村舍



鄭秀才東歸

傷湖州李郎中

和友人送僧

寄韋中丞

途經敷水

和人賀楊僕射致政

四皓廟

鶴林寺中秋玩月

大庾嶺贈張明府

題衛將軍廟

訪別韋隱居不值

送于明府

聽歌鸚鵡辭

寄題華嚴韋秀才

戲代李協律

送黃隱居歸南海

朝臺送客有懷

晨起泛舟有懷

拜起居表回

觀章中丞夜按歌舞

宿龍池留題

下第貽友人

晚登龍關驛樓

韶陽樓夜讌

寄李相公

遊江令舊宅

灞上逢元處士

別張秀才

別袁况軍

題蘇州虎丘寺

酬郭少府見寄

經李氏莊

漢水傷稼

送王總歸丹陽

南陽道中

太和公主歸宮

寄李定言

早秋韶陽夜

陪崔公宴海榴堂

贈玉山山人



獻崔大夫

贈鄭處士

元正

登尉陀樓

韶州驛樓宴罷

和王相公題書齋

送盧先輩

二首

哭楊攀處士

寄蘇州一二同志

贈盧山人

從事西湖亭讌餞

瓜洲留別李詡

王秀才見寄

獻韶陽相國崔公

郡齋夜坐寄二姪

病間寄郡中文士

賀少師相公致政

題崔處士山居

讌李秀才

寄準上人

讌錢李貞外

訓錢汝州

送李明府

和劉三復送僧歸

送王明府赴任

送沈卓少府

酬邢杜二貞外

經故手補闕郊居

陪崔大夫泛後池

二首

留別趙端公

寄陽陵處士

與張道士同訪

寄崔大夫兼簡邢羣

寄殷堯藩秀才

贈河東虞押衙

陵陽春日寄舊游

酬杜補闕

送張厚淵東脩謁

酬鄭端公見寄



酬于中丞見寄

寄呈府中羣公

贈元處士

送元晝上人二首

送陸拾遺東歸

題徐明府林館

酬和杜侍御

酬杜侍御重寄

寄獻三川守劉公

送段覺西蜀結婚

遇常州阮秀才

贈閑師

留別李叢秀才

竹林寺別友人

送武處士歸山居

題義女亭

送振武李從事

郊居春日有懷

傷故衛尉李少卿

寄滕郎中

聞邊將劉臯受戮

送薛秀才南遊

寄盧郎中

贈房明先輩

甘露寺感事貽同志

寄道玄上人

客至

經李給事舊居

新興道中

下第有懷親友

中秋夕寄劉尚書

七言絕句二十六首

緱山廟

秋日

寄桐江隱者

送宋處士

聽吹鷓鴣

秦樓曲



學仙 二首

酬康州韋侍御

金谷園

旌儒廟

寄宋次都

夜泊永樂有懷

鴻溝

重經四皓廟 一首

楚宮怨 二首

晨起西樓

酬江西盧端公

途經秦始皇墓

題楞伽寺

贈何處士

經故太尉段公廟

鷺鷥

夏日寄江上親友

丁卯詩集卷上目錄

丁卯詩集卷上

郢州刺史 許渾 用晦

近體詩

盡暮七言律詩一百六十九首

宋史交金陵懷古

玉樹歌殘 一作愁 王氣終景陽兵合成 一作盡 樓空松楸

一作楸梧 遠近干官塚禾黍高低六代宮石燕拂雲晴

亦雨江豚吹浪夜還風英雄一去豪華盡惟有

青山似洛中

姑蘇懷古



宮館餘基輟棹過黍苗無限獨悲歌  
荒臺麋鹿爭新草空苑鳧鷖占淺莎  
吳岫雨來虛檻冷楚江風急遠帆多  
可憐國破忠臣死日日東流生白波

凌歊臺

當塗縣西宋高祖築今太平州

宋祖凌高

一作歊

樂未回三千歌舞宿層臺  
湘潭雲盡暮山出巴蜀雪消春水來  
行殿有基荒薜合

寢園無主野棠開百年便作萬年計  
岳畔古碑空綠苔

驪山

聞說先皇醉碧桃日華浮動一作艷鬱金袍  
風隨玉輦笙歌迴雲卷珠簾劍佩高  
鳳駕北歸山寂寂龍輿西幸水滔滔  
娥眉一作貴妃沒後巡遊少瓦落宮牆見野蒿

咸陽城東

一作西

樓晚眺

南近礪溪西對慈福寺閣

一上高城萬里愁蒹葭楊柳似汀洲  
溪雲初起日沉閣山雨欲來風滿樓  
鳥下綠蕪秦苑夕蟬鳴黃葉漢宮秋  
行人莫問當年一作前朝事故國東來

渭水流

一作渭水寒光晝夜流

京口閑居寄京洛友人



吳門煙月昔同遊，楓葉蘆花並客舟。聚散有期雲北去，浮沉無計水東流。一樽酒盡青山暮，千里書回碧樹秋。何處相思不相見，鳳城宮一作龍闕楚江樓。

冬至登越王臺懷歸

月沉高岫宿雲開，萬里歸心獨上來。河畔雪飛楊子宅，海邊花盛越王臺。龍分桂嶺魚難過，瘴近衡峯鴈却回。鄉信漸稀人漸老，只應頻看一作醉北枝梅。

雲度龍山暗綺城，光飛浙瀝引輕盈。素娥冉冉拜瑤闕，皓鶴紛紛朝玉京。陰嶺有風梅艷散，寒林無月桂華清。剡溪一醉十年事，忽憶棹回天未明。

送蕭處士歸緱嶺別業

醉斜烏帽髮如絲，曾看仙人一局碁。賓館有魚爲客久，鄉書無鴈到家遲。緱山住近吹笙廟，湘水行逢鼓瑟祠。今夜月明何處宿，九疑雲盡綠參差。

與鄭二一作韓鄭秀才同舟東至一作洛中親友



送至景雲寺

三十六峯橫

一作同

一川綠波無路草芊芊牛羊晚

食鋪平地鷓鴣晴飛磨遠天洛客盡回臨水寺

楚人皆逐下江船東西未有相逢日更把繁華

共醉眠

長安歲暮

獨望天門倚劔歌十時無計老關河

一作每望青雲憶薜蘿長安九

陌獨悲歌

東歸萬里慙張翰西上四年羞卞和花暗楚

城春醉少月涼秦塞夜愁多三山歲歲有人去

惟恐海風生白波

一作蓬瀛有路夫知處漲海悠悠空碧波

贈茅山高拾遺

諫獵歸來綺季歌大茅峯影滿秋波山齋留客

掃紅葉野艇送僧披綠莎長覆舊圖碁勢盡遍

添新品藥名多雲中黃鵠日千里自宿自飛無

網羅

李秀才近自塗口遷居新安適枉緘書

見寬悲戚因以此答

遠書開罷更依依晨坐高臺竟落暉顏巷雪深

人已去庾樓花盛客初歸東堂望絕遷鶯起南

國哀餘候鴈飛今日勞君猶問訊一官惟長故



山薇

贈蕭兵曹

廣陵隄上昔離居  
帆轉瀟湘萬里餘  
楚客病時無鵬鳥  
越鄉一作江歸處宋本有鱸魚  
潮生水郭蒹葭響  
雨過山城橘柚踈  
聞說攜琴兼載酒  
邑人爭

識

一作印  
人休羨

馬相如

題舒女廟

山樂來迎去不言  
廟前高柳水禽喧  
綺羅無色雨侵帳  
珠翠有聲風繞幡  
粧鏡尚疑山月滿  
寢屏猶認野花繁  
孤舟夢斷行雲散  
何限離心寄

曉猿

姑熟官舍

草生官舍似閑居  
雪照南窓滿素書  
貧後始知為吏拙  
病來還喜識人疎  
青雲豈有窺梁燕  
蜀水應無避釣魚  
不待秋風便歸去  
紫陽山下是吾廬

凌歊臺送韋秀才

雲起高臺日未沉  
數村殘照半巖宋本  
作蘿陰野蟬  
成繭桑柘盡溪鳥  
引雛蒲稗深帆勢  
依依投極浦  
鐘聲杳杳隔前林  
故山迢遞故人去  
一夜月



明千里心

送嶺南盧判官罷職歸華陰山居

曾事劉琨鴈塞空十年書劔似一作任飄蓬東堂舊

屈一作有移山志南國新留煮海功還掛一帆青海

畔更開三逕碧蓮中關西舊一作親友應一作如相問已

許滄浪伴釣翁

將度故城湖阻風夜泊永陽戍

行盡清溪日已蹉雲容山影水差我樓前歸客

怨清夢樓上美人凝夜歌獨樹高高風勢急平

湖渺渺月明多終期一艇載樵去來往使帆凌

白波

鄭侍御廳翫鶴

碧天飛舞下晴莎金閣瑤池絕網羅聒響數聲

風滿樹岸移孤影雪凌波緱山去遠雲霄迴遼

海歸遲歲月多雙翅亦宋本作欲開千萬里祇應棲隱

宋本作穩戀喬柯

南庭夜坐貽開元禪定二道者

暮暮焚香何處宿西巖一室映踈藤光陰難駐

迹如客寒暑不驚心似僧高樹有風聞夜磬遠

山無月見秋燈身閑境靜日為樂若問自宋本作其餘



非我能

朱坡故少保杜公池亭

杜陵池榭綺城東孤島回汀路不窮高岫乍疑  
三峽近遠波初似五湖通楸梧葉暗瀟瀟雨菱  
荇花香淡淡風還有昔時巢燕在飛來飛去盡

堂中一作空

秋日早朝

宵衣應待絕更籌環珮鏘鏘月下樓井轉轆轤  
千樹曉鏤開閭闔萬山秋龍輿宋本作輿盡列趨金  
殿雉角纔分拜玉旒虛戴鐵冠無一事滄江歸

去老漁

一作老釣魚舟

滄浪峽

纓帶流塵髮半霜獨尋殘月下滄浪一聲溪鳥  
暗雲散萬片野花流水香昔日未知方外樂暮  
年初信夢中忙紅蝦青鯽紫芹脆歸去不辭來  
路長

登故洛陽城

禾黍離離半野蒿昔人城此豈知勞水聲東去  
市朝變山勢北來宮殿高鴉噪暮雲歸古堞鴈  
迷寒雨下空壕可憐緱嶺登仙子猶一作獨自吹笙



醉碧桃

聞釋子栖玄欲奉道因寄

欲求真訣戀禪扃  
羽帔方袍盡有情  
仙骨本微靈鶴遠  
法心潛動毒龍驚  
三山未有偷桃計  
四海初傳問菊名  
今日勸師師莫惑  
長生難學一作不似  
證無生

南海府罷南康阻淺行侶稍稍登陸主

人燕餞至頻暮宿東溪

晴灘水落漲虛沙  
灘去秦吳萬里賒一作斜  
馬上折殘江北柳  
舟中開盡嶺南花  
離歌不斷如留客

歸夢初驚似到一作在家山鳥一聲人未起半牀風

宋本月在天涯作春

秋晚雲陽驛西亭蓮池

心憶蓮池秉燭遊  
葉殘花敗尚維舟  
煙開翠扇清風曉  
水泛紅衣白露秋  
神女暫來雲易散  
仙娥初去月難留  
空懷遠道無持贈  
醉倚欄干盡日愁

題勤尊師歷陽山居并序

師即思齊之孫字為故相國蕭公錄用相國致  
政尊師亦自邊將入道因贈是詩



二十知兵在羽林中年潛識子房心蒼鷹出岫

宋本塵滅一作靜白鶴還鄉楚水深春坼酒瓶浮一作兼

藥氣晚攜棊局帶松陰雞籠山上雲多處自劬

黃精不可尋

### 懷舊居

兵書一篋老無功故國郊扉在夢中藤蔓覆梨

張谷暗一作靜草花侵菊一作杏庾園空朱門跡忝登龍

客白屋心期失馬翁楚水吳山何處是北窻殘

月照屏風

祇命許昌自郊移居入公館秋日寄書

### 山高拾遺

一笛迎風萬葉飛強攜刀筆換荷衣潮寒水國

秋砧早月暗山城夜漏稀巖響遠聞樵客過浦

深遙送釣童歸中年未識從軍樂虛近三茅望

少微

### 哭虞將軍

白首從軍未有名近將孤劔到江城巴童戍久

能番語一作馬調多解漢行對雪夜窮黃石略望

雲秋計黑山程可憐身死家猶遠汴水東流無

哭聲



晚自朝臺至韋隱居郊園

秋來鳧鴈下方塘繫馬朝臺步夕陽村徑繞山  
松葉暗野門臨水稻花香雲連海氣琴書潤風  
帶潮聲枕簟涼西去磻谿猶萬里可能垂白待  
文王

寓居開元精舍酬薛秀才見貽

知己蕭條信陸沉茂陵扶疾卧西林芟荷風起  
客堂靜松桂月高僧院深清露下時傷旅鬢白  
雲歸處寄鄉心一作憐君詩思一作句猶相憶題在一作向  
空齋夜夜一作吟

別劉秀才

三獻無功玉有瑕更攜書劍客天涯孤帆夜別  
瀟湘雨廣陌春期鄠杜花燈照水螢千點滅棹  
驚灘鴈一行斜關河萬里一作迢遞秋風急望見鄉山  
不到家

早發天台中巖寺度關嶺次天姥岑

來往天台天姥閒欲求真訣駐衰顏星河半落  
巖前寺雲霧初開嶺上一作外關丹壑樹高宋本風  
浩浩碧溪苔淺水潺潺可知劉阮逢人處行盡  
深山又是山



遊錢塘青山李隱居西齋

小隱西亭爲客開翠蘿深處遍蒼一作青苔林閒掃  
石安棋局巖下分泉遞酒杯蘭葉露光秋月上  
蘆花風起夜潮來雲山遶屋猶嫌淺欲棹漁舟  
近釣臺

春日郊園戲贈楊叔評事

十里蒹葭入薜蘿春風誰許暫鳴珂相如渴後  
狂還減曼倩飢來語更多門枕碧溪水皓耀檻  
齊清嶂雪差栽野橋沽酒茅簷醉誰羨紅樓一  
曲歌

晚自東郭回留一二遊侶

鄉心迢遞宦情微吏散尋幽竟落暉林下草腥  
巢鷺宿洞前雲濕雨龍歸鐘隨野艇回孤棹鼓  
絕山城掩半扉今夜西齋好風月一瓢春酒莫  
相違

與鄭秀才叔姪會送楊秀才昆仲東歸

書劒功遲白髮新異鄉仍送故鄉人阮公留客  
竹齋曉田氏到家荆樹春雪盡塞鴻南翥少風  
來馬北嘶頻洞庭煙月如終老誰是長楊諫  
獵人



送郭秀才遊天台 并序

余嘗與郭秀才同玩朱審盡天台山圖秀才因遊是山題詩贈別焉

雲埋陰壑雪凝峯半壁天台已萬重人度碧溪疑輟棹僧歸蒼嶺似聞鐘暖眠鷄鵲晴灘草高掛獼猴暮澗松曾約舊宋本遊今獨去赤城西面水溶溶

送張尊師歸洞庭

能琴道士洞庭西風滿歸帆路不迷野宋本岸水花霜後淺傍簷山果雨來低杉松近晚移茶竈

巖谷初寒蓋藥畦他日相思兩行字無人知處武陵溪

移攝太平寄前李明府

病移一作多巖邑稱閑身何處風光貫酒頻溪柳遶門彭澤令野花連洞武陵人嬌歌自駐壺中景艷舞長留海上春早晚高臺更同醉綠蘿如帳草如茵

再遊姑蘇玉芝觀

高梧一葉下秋初迢遞重廊舊一作來說寄居月過碧窻今夜酒雨昏紅壁去年書玉池露冷芙蓉淺



瓊樹風高

一作金井煙分

薛荔踈明日掛帆

一作從北偏舟

更東去

仙翁應笑為鱸魚

夜歸驛樓

水晚雲秋山不窮自疑身在畫屏中孤舟移棹  
一江月高閣卷簾千樹風窓下覆碁殘局在橘  
邊沽酒半堪空早炊香稻待鱸膾南渚未明尋  
釣翁

題靈山寺行堅師院

西巖一徑不通樵八十持盃未覺遙龍在石潭  
蒲夜雨鴈移沙渚見秋潮經函露濕文多一作暗

香印風吹字半

一作欲

銷應笑東歸又南去越山無

路水迢迢

題韋長史山居

一官唯買畫公堂但得身閑日自長琴曲少聲  
重勘譜藥丸多忌更尋方溪浮箬葉添盃綠泉  
遶松根助茗香明日鰈魚何處釣門前春水似  
滄浪

贈李伊闕

并序

前伊闕李師晦侍御辭秩歸山過余所止醉圖  
二室于屋壁亦招隱之旨也因而有贈焉



桐履如飛不可尋一壺雙笈嶧陽琴舟橫野渡  
寒風急門掩荒山夜雪深貧笑白駒無去意病  
慙黃鵠有歸心雲間二室勞君畫水墨蒼蒼半  
壁陰

重遊練湖懷舊

并序

余嘗與故宋補闕文都秋夕遊練湖亭今復登  
賞愴然有感因賦是詩

西風渺渺月連天同醉蘭舟未十年鵬鳥賦成  
人已沒嘉魚詩在世空傳榮枯盡寄浮雲外哀  
樂猶驚逝水前日暮長隄更回首一聲隣笛舊

山川

一作蟬續  
一聲蟬

乘月棹舟送大厓寺靈聰上人不及

萬峯秋盡百泉清舊鎖禪扉在赤城楓浦客來  
煙未散竹窻僧去月猶明杯浮野渡魚龍遠錫  
響空山虎豹驚一字不留何足訝白雲無路水  
無情

汴河亭

廣陵花盛帝東遊先劈崑崙

一作黃河

一派流百二禁

兵辭象闕三千宮女下龍舟凝雲鼓震星辰動

拂浪旗

宋本作旌

開日月浮四海義師歸有道迷樓遠



似一作何異景陽樓

村舍二首

自剪青莎織雨衣一作村南峯煙火是柴扉一作山萊山一作妻

早報一作起蒸梨熟童子遙迎種豆歸魚下碧潭當

鏡躍鳥還青嶂拂屏飛花時未免人來往欲買

嚴光舊釣磯

尚平多慮宋本一作累自歸一作休難一日身閑一作深居一日安山

徑有或作晚雲收獵網水門一作庭無月掛魚竿花間酒

氣春風遠宋本一作暖竹裏茶聲夜雨寒三頃水田秋更

熟北窓誰拂舊塵冠

鄭秀才東歸憑達家書

欲寄家書少客過關門心遠洞庭波兩巖花落

夜風急一逕草荒春雨多愁泛楚江吟浩渺憶

歸吳岫夢差峩貧居不問應知處溪上閑船一作扁舟

繫綠蘿

傷湖州李郎中

政成身歿共興哀鄉路兵戈旅櫬回城上暮雲

凝鼓角海邊春草閉池臺經年未葬佳人散昨

夜因齋故吏來南北相逢皆掩泣一作欲過洞庭還倚棹白蘋

洲暖一作百花開



和友人送僧歸桂州靈巖寺

楚客送僧歸桂陽海門帆勢極或作隔瀟湘碧雲  
千里暮愁合白雪一聲春思長柳絮擁堤添袖  
軟松花浮水注瓶香南宗長老幾年別聞道半  
巖多影堂

淮陰阻風寄楚州韋中丞

垂釣京江欲白頭江魚堪釣却西遊劉伶臺下  
稻花晚韓信廟前楓葉秋淮月未明先倚檻海  
雲初起更維舟河橋有酒無人醉獨上高城望  
庾樓

途經敷水

脩蛾顰翠倚柔桑遙謝春風白面郎五夜有情  
隨暮雨百年無節待秋霜重尋繡帶朱藤合更  
認羅裙碧草長何處野花何處水下峯流出一  
渠香

和人賀楊僕射致政并序

祠部楊員外以僕射楊公拜官致仕舊府賓僚  
及門生合燕申賀飲後書事因和呈

蓮府

一作龍闕

公卿拜後塵手持優詔掛朱輪從軍幕

下三千客聞禮庭中七十人飾

或作錦

帳麗詞推北



巷畫堂清樂掩南隣豈同王謝山陰會空叙流  
盃醉一作向暮春

四皓廟

桂香松暖廟門開獨瀉椒漿奠一杯秦法欲興  
鴻已去漢儲將廢鳳還來紫芝翳翳多青草白  
石蒼蒼半綠苔山下驛塵南竄路不知冠蓋幾  
人回

鶴林寺中秋夜玩月

待月東林月正圓廣庭無樹草無煙中秋雲盡  
出滄海半夜露寒當碧天輪彩漸移金殿外鏡

光似掛玉樓前莫辭達曙慙慙望一墮西巖又  
隔年

南海府罷歸京口經大庾嶺贈張明府

樓船旌旆極天涯一劍從軍兩鬢華回日眼明  
河畔草宋本一作柳去時腸斷嶺頭花陶詩盡寫行過縣

張賦初成卧到家官滿知君有歸處姑蘇臺上

一作吳舊煙霞

題衛將軍廟并序

將軍名邁陽羨人少習詩書學弓劍有武略二  
十七遊并汾間遇神堯皇帝始建義旗逖以勇



藝進備行列泊擒竇建德逖時挾鎗劔前突後  
翼太宗顧而竒之天下既定錄其功拜將軍宿  
衛以母老病且乞歸侍殘年辭旨哀激詔許之  
既而以孝敬睦閨門以然信居鄉里及卒邑人  
懷其賢廟宇荆溪之湄以平生弓甲懸東西廡  
下歲時祠祭頗福其土焉文士王敖撰碑辭實  
詳備惜乎國史缺書其人因題是詩于廟壁  
武牢關下護龍旗挾槊一作戰彎弓馬上飛漢業未  
興王霸在秦軍纜散魯連歸墳穿大澤埋金劔  
廟枕長溪掛鐵衣欲奠一作忠魂何處問葦花楓

葉雨霏霏

訪別韋隱居不值

并序

今行至雙巖溪訪韋隱居已榜舟詣開元寺水  
閣見送棹回已晚因題是詩留別

大吹雙巖碧樹閒主人朝出半開關湯師閣上  
留詩別杜叟橋邊載酒還櫟塢炭煙晴過嶺蓼  
村漁火一作父夜移灣故鄉蕪沒兵戈後憑向溪南  
買一山

送前東陽丁明府由鄂渚歸故林

結束征車換黑貂灞西風雨正瀟瀟茂陵久病



書千卷彭澤初歸酒一瓢帆背夕陽溢水闊棹  
經滄海甌山遥殷勤爲謝南溪客白首螢窓未

一作華  
門誰見招

聽歌鷓鴣辭 并序

余過陝州夜譙將罷妓人善歌鷓鴣者詞調清  
怨往往在耳因題是詩

南國多情多艷詞鷓鴣清怨遶梁飛甘棠城上  
客先醉苦竹嶺頭人未歸響轉碧霄雲駐影曲  
終清漏月沉暉山行水宿不知遠猶夢土釵金  
縷衣

寄題華嚴韋秀才院

二面樓臺百丈峯西巖高枕樹重重晴攀翠竹

一作葉題詩滑秋摘黃花釀酒濃山殿日斜喧鳥雀

石潭波靜 宋本作動戲魚龍今來故國遥相憶月照干

山半夜鐘

具日華戲代李協律松江有贈

蜀客操琴吳女歌明珠十斛是天河霜凝薜荔  
怯秋樹露滴芙蓉愁晚波蘭浦遠鄉應解佩柳  
堤殘月未鳴珂西樓沉醉不知散潮落洞庭洲  
渚多



送黃隱居歸南海

瘴霧南邊久寄家海中來往信流槎林藏鷺  
鷺多殘筍樹過猩猩少落花深洞有雲龍蛻骨  
半巖無草象生牙知君愛宿層峯頂坐到三更  
見日華

朝臺送客有懷

趙佗西拜已登壇馬援南征土宇寬越國舊無  
唐印綬蠻鄉今有漢衣冠江雲帶日秋應熱海  
雨隨風夏亦寒嶺北歸人莫回首蓼花楓葉萬  
重灘

自楞伽寺晨起汎舟道中有懷

碧樹蒼蒼茂苑東佳期迢遞路何窮一聲山鳥  
曙雲外萬點水螢秋草中門掩竹齋微有月棹  
移蘭渚淡無風欲知此路堪惆悵菱葉蓼花連  
故宮

十二月拜起居表回

一章西奏拜仙曹回首

宋本  
作馬

天津北望勞寒水欲

春冰彩薄曉山初霽雪峯高樓形向日攢飛鳳  
宮勢凌波歷斷鰲空鎖煙霞絕巡幸周人誰識  
鬱金袍



觀章中丞夜按歌舞

夜按雙娃禁曲新東西簫鼓接雲一作華津舞衫未  
換紅鉛濕歌扇初移翠黛顰彩檻燭煙光吐日  
畫屏香霧暖凝春西樓月在襄王醉十二山高  
不見人

重遊飛泉觀題故梁道士宿龍池

西巖泉落水容寬靈物蜿蜒黑處蟠松葉正秋  
琴韻響菱花初曉鏡光寒雲開星月浮山殿雨  
過風雷繞石壇仙客不歸龍亦去稻畦長滿此  
池乾

下第貽友人

身在關西家洞庭夜寒歌苦燭一作孤熒熒人心高  
下月中桂客思往來波上萍馬氏識君眉最白  
阮公留我眼長青花前失意共寥落莫遣東風  
吹酒醒

晚登龍門驛樓

魚龍多處鑿門開萬古人知夏禹材青嶂遠分  
從地斷洪流高瀉自天來風雲有路皆燒尾波  
浪無程盡曝腮心感膺門身過此晚山秋樹獨  
徘徊



韶州韶陽樓夜讌

待月西樓捲翠羅  
玉盃瑤瑟近星河  
簾前碧樹窮秋密  
窻外青山薄暮多  
鸚鵡未知狂客醉  
鷓鴣先讓美人歌  
使君莫惜通宵飲  
刀筆初從馬伏波

聞韶州李相公移

宋本有拜字

郴州因寄

詔移丞相木蘭舟  
桂水潺湲嶺北流  
青漢夢歸雙闕曙  
白雲吟過五湖秋  
恩回玉宸人先喜  
道在金滕世不憂  
聞說公卿盡南望  
甘棠花暖鳳池頭

游江令舊宅

身沒南朝宅已荒  
邑人猶賞舊風光  
芹根生葉石池淺  
桐樹落花金井香  
帶暖山蜂巢盡閣  
欲陰溪燕集書堂  
閑愁此地更西望  
一作回首潮浸臺城春草長

灞上逢元處士東歸

瘦馬頻嘶灞水寒  
灞南高處望長安  
何人更結王生襪  
此客虛彈貢氏冠  
江上蟹螯沙渺渺  
塢中蝸殼雪漫漫  
舊交已變一作盡新知少  
却伴漁郎

宋本作師把釣竿



別張秀才

并序

余與張秀才同出關至陝府余取南道至

宋本作止洛

下張由北路抵江東因幕中餞讌遂賦詩以別  
不知何計寫離憂萬里山川半舊遊風捲暮沙  
和雪起日融春水帶水流凌晨客淚分東郭竟  
夕鄉心共北樓青桂一枝年少事莫因鱸膾涉

窮秋

別表兄軍倅

并序

余祇命南海至廬陵逢表兄軍倅奉使淮海別  
後却寄是詩

盧橘花香拂釣磯佳人猶舞越羅衣三洲水淺  
魚來少五嶺山高鴈到稀客路晚依紅樹宿鄉  
關朝望白雲歸交親不念征南吏一作客昨夜風帆  
去似飛

題蘇州虎丘寺僧院

暫引寒泉濯遠塵此生多是異鄉人荆溪夜雨  
花開疾吳苑秋風月滿頻萬里高低門外路百  
年榮辱夢中身世閒誰似西林客一卧煙霞四  
十春

酬郭少府先奉使巡潞見寄兼呈裴明



府

載書攜榼別池龍十副宋本輕帆處處通謝眺宅

荒山翠裏王敦城古月明中江村夜漲浮天水

澤國秋生動地風飽食鱸一作繪魚榜歸檝待君琴

酒醉陶公

出永通門經李氏莊

飛軒危檻百花堂朝譙歌鐘暮已荒中散獄成

琴自怨步兵厨廢酒猶香風池宿鳥喧朱閣雨

砌秋螢拂盡梁力保山河家又慶祇應中令敵

汾陽

漢水傷稼并序

此郡雖自夏無雨江邊多稼宋本作穡油然可觀秋八

月天清日朗漢水泛濫宋本作溢人實為灾軫念疲羸

因賦四韻

西北樓開四望通殘霞成綺月懸弓江村夜漲

浮天水澤國秋生動地風高下綠苗千頃盡新

陳紅粟萬箱一作廩空才微分薄憂何益却欲回心

學釣翁

送王總下第歸丹陽

秦樓心斷楚江湄繫馬春風酒一卮汴水月明



東下疾練塘花發北來遲青蕪定沒安貧處黃  
葉應催獻賦詩宋本馮寄家書爲一作回報舊居  
還有故人知

南陽道中

月斜孤館傍村行野店高低帶古城籬上曉花  
齋後落井邊秋葉社前生飢鳥索哺隨雛叫乳  
特慵歸望犢鳴荒草連天風動宋本地不知誰學  
武侯耕

破北 太和公主歸宮闕

毳幕承秋極斷蓬飄颻一劔黑山空匈奴北走

荒秦壘貴主西還盛漢宮定是廟謨傾種落必  
知邊寇畏驍雄恩沾殘類從歸去莫使宋本華人  
雜犬戎

李定言自殿院銜命歸闕拜外郎俄遷

右史因寄

白筆南征變二毛越山愁瘴海驚濤纔歸龍尾  
舍雞舌更立螭頭運一作兔毫閭闔欲開宮漏盡  
冕旒初坐御香高吳中舊侶一作君先貴曾憶玉  
祥與佩刀

宋王合早秋韶陽夜雨



宋玉含悽夢亦驚芙蓉山響一猿聲陰雲迎一作疑  
雨枕先潤夜電引雷窻暫明暗惜水花飄廣檻  
遠愁風葉下高城西歸萬里未千里應到故園  
春草生

將爲南行陪尚書崔公宴海榴堂

朝讌華堂暮未休幾人偏得謝公留風傳鼓角  
霜侵戟雲卷笙歌月上樓賓館盡開徐穉宋本作孺

榻客帆空戀李膺舟謾誇書劍無歸處水遠山  
長步步愁

贈王山人

貫酒攜琴訪我頻始知城市有閑人君臣藥在  
寧憂病子母錢成豈患貧年宋本作長每勞推甲子  
夜寒初共守庚申近來聞說燒丹處玉洞桃花  
萬樹春

宣城崔大夫召聯句偶疾不獲赴因獻

心慕知音命自拘畫堂聞欲試吹竽茂陵罷酒  
慙中聖漳浦題詩怯大巫鬢鬣幾年傷在藻羽  
毛終日羨棲梧還愁旅棹空歸去楓葉荷花釣  
五湖里

贈鄭處士



道傍年少莫矜誇，心在重霄鬢未華。楊子可曾  
過北里，魯人何必敬東家。寒雲曉散千峯雪，暖  
雨晴開一徑花。且賣湖田釀春酒，與君書劔是  
生涯。

元正

高揭雞竿闢帝閭，祥風微暖瑞雲屯。千官共削  
姦臣跡，萬國初銜聖主恩。宮殿雪華齊紫閣，關  
河春色到青門。華夷一軌人方泰，莫學論兵謨  
至尊。

登尉佗樓

劉項持兵鹿未窮，自乘黃屋島夷中。南來作尉  
任囂力，北向稱臣陸賈功。簫鼓尚陳宋本今世廟，  
旌旗猶鎖宋本昔時宮。越人未必知虞舜，一奏薰  
絃萬古風。

韶州驛樓宴罷

簷外干帆背夕陽，歸心杳杳鬢蒼蒼。嶺猿群宿  
夜山靜，沙鳥獨飛秋水涼。露墮桂花碁局濕，風  
吹荷葉酒瓶香。主人不醉下樓去，月在南軒更  
漏長。

和淮南王相公與賓僚同遊瓜洲別業



題舊

宋本有書字

齋

碧油紅旆想青衿積雪窓前盡日吟巢鶴去時  
雲樹老卧龍歸處石潭深道傍苦李猶垂實城  
外甘棠已布陰賓御莫辭巖下醉武丁高枕待  
爲霖

送盧先輩自衡岳赴復州嘉禮二首

名振金閨步玉京暫留滄海見高情衆花盡處  
松千尺羣鳥喧時鶴一聲朱閣簾涼疎雨過碧  
溪船動早潮生離心不異西江水直送征帆萬  
里行

湖南詩客海中行鵬翅垂雲不自矜秋水靜磨  
金鏡土夜風寒結玉壺冰萬重嶺嶠辭衡岳千  
里山陂問竟陵醉倚西樓人已遠柳溪無浪月  
澄澄

哭楊攀處士

先生憂道樂清貧白髮終爲不仕身嵇阮沒來  
無酒客應劉亡後少詩人山前月照孤墳曉溪  
上花開舊宅春昨夜回舟更惆悵至今鐘磬滿  
南隣

宿望亭館寄蘇州一二同志



候館人稀夜自一作更長姑蘇城遠樹蒼蒼江湖水  
落高樓迴河漢秋歸廣簟涼月轉碧梧移鵲影  
露低紅葉濕螢光西園詩侶應多思莫醉笙歌  
掩畫堂

廬山人自巴蜀由湘潭歸茅山因贈

太乙靈方鍊紫荷紫荷飛盡髮皤皤猿啼巫峽  
曉雲薄鴈宿洞庭秋月多導引豈如桃葉舞步  
虛寧比竹枝歌華陽舊隱莫歸去水沒芝田生  
綠莎

穎州從事西湖亭讌餞

西湖清讌不知回一曲離歌酒一杯城帶夕陽  
聞鼓角寺臨秋水見樓臺蘭堂客散蟬猶喚桂  
檝人稀鳥自來獨想征車過鞏洛此中霜菊遶  
潭開

瓜州留別李詡

泣玉三年一見君白衣憔悴更離羣楊堤惜別  
春潮晚花榭留歡夜漏分孤館宿時風帶雨遠  
帆歸處水連雲悲歌曲盡莫重奏心遶關河不  
忍聞

余謝病東歸王秀才見寄今潘秀才南



棹奉酬

酷似牢之玉不如落星山下白雲居春耕旋搆  
金門客夜學兼脩玉府書風掃碧雲迎鷺鳥水  
還滄海養嘉魚莫將年少輕時節王氏家風在  
石渠

獻韶陽相國崔公

一匱為功極九層康莊猶自劔一作稜稜舟回北  
渚經年泊門接東山盡日登萬國已聞傳玉璽  
百官猶望啟金滕賢良會致唐虞虞世獨倚江樓  
笑范增

郡齋夜坐寄舊鄉二姪

千官奉職袞龍垂旅卧淮陽鬢日宋本一作已衰三月已  
垂棠樹政二年空負竹林期樓侵白浪風來遠  
城抱丹巖日到遲長欲掛帆君莫笑越禽花晚  
夢南枝

病閒寄郡中文士

盧橘含花處處香老人依舊卧清漳心同客舍  
驚秋早跡似僧齋厭夜長風卷翠簾琴自響露  
凝朱閣簟先涼明朝欲醉文中彥猶覺吟聲帶  
越鄉



賀少師相公致政 并序

少師相公未及懸車之年 宋本有乞罷將相徵于表二字

近代更無比肩余受恩門館竊抒長句寄獻

六十懸車自古稀我公年少獨忘機門臨二室

留侯隱棹倚三川越相歸不擬優游同陸賈已

回清白遺胡威龍城鳳詔棠陰在只恐歸 宋本作冥鴻

更北飛

題崔處士山居

坐窮今古掩書堂二頃湖田一半荒荆樹有花

兄弟樂橘林無實子孫忙龍歸曉洞雲猶濕麝

過春山草自香向夜欲歸心萬里故園松月更

蒼蒼

疾 宋本作病後與郡中群公讌李秀才

強留嘉客讌王孫巖上餘花落酒樽書院欲開

蟲 宋本作塵網戶訟庭猶掩雀羅門耳虛盡日疑琴癖

眼暗經秋覺鏡昏莫引劉安倚西檻夜來紅葉

下江村

晨起白雲樓寄龍興江準上人兼呈竇

秀才 秀才方自竟陵回

茲樓今是望鄉臺鄉信全稀曉鴈哀山翠萬重



當檻出水華千里抱城來東巖月在僧初起南  
浦花殘客已回欲弔靈均能去否秋風還有木  
蘭開

李羣之負外  
燕餞李負外

并序

李羣之負外從事荆南尚書楊公詔徵赴闕俄  
爲淮南相國杜公辟命自漢上舟行至此郡于  
雲樓醺罷解纜阻風却回因贈

病守江城眼暫開昔年吳越共銜盃膺舟出鎮  
虛陳榻鄭履還京下隗臺雲葉漸低朱閣掩浪  
花初起畫檣回心期解印同君醉九曲池西望

月來

訓錢汝州

并序

汝州錢中丞以渾赴郢城見寄佳什恩憐過等  
寵飾逾深雖吟詠忘疲實楷模不及輒率荒淺  
依韻獻訓

白雪多隨漢水流漫勞旌旆晚悠悠笙歌暗寫  
終年恨臺榭潛消盡日憂鳥散落花人自醉馬  
嘶芳草客先愁怪來雅韻清無敵三十六峯當  
庾樓

將歸姑蘇南樓餞送李明府



無處登臨一作樓不繫情一憑一作瓶春酒醉高城暫移

羅綺見山色才駐管絃聞水聲花落西亭添別

夢一作恨柳陰南浦促歸程前期迢遞今宵短更倚

朱欄待月明

和浙西從事劉三復送僧南歸

楚客送僧歸故鄉海門帆勢極瀟湘碧雲千里

暮愁合白雪一聲春思長開院草花平講席繞

龕藤葉蓋禪床憐師不得隨師去已戴儒冠事

素王前半篇與和友人送僧歸桂州靈巖寺詩同

送上元王明府赴任

莫言名重懶驅雞六代江山碧海西日照蒹葭

明楚塞煙分楊柳見隋堤荒城樹暗沈書浦舊

宅花連罨畫溪官滿定知歸未得九重霄漢有

丹梯

送沈卓少府任江都或作趙嘏詩

煬帝都城春水邊笙歌夜上木蘭船三千宮女

自一作日塗地十萬人家如洞天艷艷花枝官舍晚

重重雲影寺鐘連少年作尉須兢慎莫向樓前

隊宋本馬鞭

酬邢杜二員外并序



新安郡真外懷浴下舊居新定杜真外思關中

本有各緘示因寄一詩以酬十字

雲帶東風洗畫屏客星懸處聚文星未歸萬嶺

暮雲暮色別杜陵春草青熊軾並驅因宋本作同雀噪

無三本駐是鴻冥豈知京洛舊親友夢繞潺湲

江一宜

經故丁補明

道終人一收收亦小日上品上承塵

華香一風吹

矢鈔

之天

陪宣城大夫崔公汎後池北樓燕二

言

陪泛芳池醉北樓水花繁艷照膺舟亭臺陰合

樹初晝絃管韻高山欲秋皆賀號巖終選傳自

傷燕谷未逢鄒昔時恩迄今能否尉滄洲已

白頭

江上西來共鳥飛翦荷浮泛似輕肥王珣作簿

公曾喜劉表為郭客盡依雲外軒窓通早景風

前簫鼓送宋本暉宛陵行樂金陵住遙對家山



未憶歸

留別趙端公并序

余行次鍾陵府中諸公宴餞趙端公曉赴郡齋  
宿約予來且整棹因留別

海門征棹越龍瀧暫寄華筵倒玉缸  
簫鼓散時逢夜雨綺羅分處下秋江  
孤帆已過滕王閣高榻留眠謝守窓  
却願煙波阻風雪待君同拜碧油幢

寄陽陵處士

舊隱青山紫桂陰一書迢遞寄歸心  
謝公樓上

晚花盛楊子宅前春草深吳岫雨來溪鳥浴  
楚山雲暗嶺猿吟野人寧憶滄洲畔宋本作伴  
會待吹噓定至音

與張道士同訪李隱居不遇

千巖萬壑獨攜琴知在陵一作龍陽不可尋  
去轍已

平秋草遍空一作寒齋長掩暮雲深  
霜寒橡栗留一作

山鼠月冷菰蒲散水禽惟有西隣宋本作林張

仲蔚坐來同愴別離心

聞州中有讌寄崔大夫兼簡邢羣評事

簫鼓宋本作管筵間列翠娥玉杯金液耀金波  
池邊



雨過飄帷幕海上風來動綺羅顏子巷深青草  
遍庾君樓迴碧山多甘心不及同年友卧聽行  
雲一曲歌

寄殷堯藩秀才

十載功名翰墨林爲從知己信沉沉青山有雪  
諳松性碧落無雲稱鶴心帶月獨歸蕭寺遠玩  
花頻醉庾樓深思君一見如瓊樹空把新詩盡  
日吟

贈河東虞押衙二首

永興公孫  
亦善書

長劍高歌換素衣君恩未報不言歸舊精

一作  
工

烏篆諳書體新授龍韜識戰機萬里往來征馬  
瘦十年離別故人稀平生志氣何人見空上西  
樓望落暉

吳門風水落萍流月滿花開嬾獨遊萬里山川  
分曉夢四隣歌管送春愁昔年顧我長青眼今  
日逢君盡白頭莫向罇前更惆悵古來投筆總  
封侯

陵陽春日寄汝洛舊游

百年身世似飄蓬澤國移家疊嶂中萬里綠  
波魚戀釣九重青漢鶴愁籠西池水冷春嶽雪

一作  
頃碧



南浦一作陌花香曉樹風縱有一作酌芳樽心不醉故人

多在洛城東

酬杜補闕初春雨中泛舟次橫江喜裴

郎中相迎見寄

江館維舟為庾公暖波微淥雨濛濛紅檣迤邐

春巖下朱旆聯翩曉樹中柳滴圓波生細浪梅

含香艷吐輕風郢歌莫問青山吏一作客魚在深池

鳥在籠

送張厚浙東脩謁

涼露清蟬柳泊空故人遙指浙江東青山有雪

在當澗碧落無雲鶴出籠齊唱離歌愁晚月獨

看征棹怨秋風定知洛下聲名士共說膺門得

孔融

酬副使鄭端公見寄

一日高名遍九州玄珠仍向道中求郢中白雪

慙新唱塗上青山憶舊遊端公頃在當塗縣青山別墅肄業子嘗守邑因沐見知也

笙磬有文終易別珠璣無價竟難酬柳營迢遞

江風闊夜夜孤吟月下樓

酬綿州于中丞使君見寄

故人書信越褒斜新意雖多舊約餘皆就一麾



先去國共謀三徑未還家荆巫夜隔巴西月鄢  
郢春連漢上花半月離居猶悵望可堪垂白各  
天涯

春早郡樓書事寄呈府中群公

兩鬢垂絲髮半霜石城孤夢繞襄陽鴛鴻幕裏  
蓮披檻虎豹營中柳拂牆畫舸欲行春水急翠  
簾初捲暮山長峴亭風起花千片流入南湖盡  
日香

元處士自洛歸宛陵山居見示詹事相  
公餞行之什因贈

紫霄峯下絕韋編舊隱相如結鞵前

元君舊隱廬山與易常為相國

師月落尚留東閣醉風高還憶北窓眠江城夜  
別瀟瀟兩山檻晴歸漠漠煙一頃豆花三頃竹

想應宋本拋却釣魚船

送元晝上人歸蘇州兼寄張厚二首

自卜閑居荆水幽一作頭感時相宋本別思悠悠一罇

酒盡青山暮千一作萬里書回碧樹秋深巷久貧知

一作長寂寞小詩多病尚一作也風流晝公此去應相問

為說沾巾一作衣憶舊游

二年無事客吳鄉南陌春園碧草長共醉八門



回畫舸獨還三逕掩書堂前山雨過池塘滿小  
院秋歸枕簟涼經歲別離心自苦何堪黃葉落  
清漳

送陸拾遺東歸

獨振儒風

一作負才名

遇盛時紫泥初出

一作降

世人知文

一作封

章報主非無意書劔還家素有期秋寺卧雲

移棹晚暮江

一作天

乘月落帆遲東歸自是緣清興

莫比商山詠紫芝

宋本

作湘

南徐明府予之南隣久不還家因

題林館

湘南官滿不歸來高閣經年掩綠苔魚溢池塘  
秋雨過鳥還洲島暮雲回階前石穩棋終局窓  
外山高酒滿杯借問先生在何處一籬疎菊又  
花開

酬和杜侍御

并序

河中杜侍御祇命本府自鍾陵舟抵漢上道出  
茲郡以其專使迎接先蒙雅什見貽竊慕清才  
輒酬和

花時曾省杜陵遊聞下書帷不舉頭因過石城  
先訪戴欲朝金闕暫依劉征帆夜轉鷓鴣穴

一作嶠



騁騎春辭鵲雀樓正把新詩望南浦棹歌應是  
木蘭舟

酬河中杜侍御重寄

五色如絲下碧空片帆還繞楚王宮文章已變  
南山霧羽翼應搏北海風春雪預呈霜簡白曉  
霞先染繡衣紅十千沽酒留君醉莫道歸心似  
轉蓬

寄獻三川守劉公

并序

余奉陪三川守劉公讌言嘗蒙詢訪行止因話  
一麾之任冀成三逕之謀特蒙俯鑒丹誠尋許

慰薦屬移居履道卧疾彌旬輒抒二章寄獻

三川歌頌徹咸秦十二樓前侍從臣休閉玉籠

留鷲鴛鴦早開金埒縱騏驎花深穉榻迎何客月

在膺舟醉幾人自笑

一作  
歎

東風過寒食茂陵寥落

未知春

半年三度轉蓬居錦帳心闌羨隼旗老去自驚  
秦塞鴈病來先憶楚江魚長聞季氏千金諾更  
望劉公一紙書春雪未晴春酒貴莫教愁殺馬  
相如

送段覺之西蜀結婚



詞賦名高身不閑綵衣如錦度函關鏡中鸞影  
羅威去劍外花歸衛玠還秋浪遠侵黃鶴嶺暮  
雲遙斷碧雞山此時人問西遊客心在重霄鬢  
欲斑

長慶寺遇常州阮秀才

高閣晴軒對一峯毗陵書客此相逢晚收紅葉  
題詩遍秋待黃花釀酒濃山館日斜喧鳥雀石  
潭波動戲魚龍上方有路應知處踈磬寒蟬樹  
幾重

贈閑師

更有誰宛陵山下遇閑師東林共許  
三乘學南國爭傳五字詩初到庾樓紅葉墜夜  
投蕭寺碧雲隨秋江莫惜題佳句正好磷磷見  
底時

東遊留別李叢秀才

煩君沽酒且登樓罷唱離歌說遠游文字豈勞  
諸子重風塵多幸故人憂數程山路長侵驛千  
里家書動隔秋起凭欄干各垂淚又驅羸馬向  
東州

竹林寺別友人



騷人吟罷起鄉愁暗覺年華宋本似水流花滿謝

作光

城傷共折蟬鳴蕭寺喜同遊前山月落杉松曉

深夜風清枕簟秋明日分襟又何處江南江北

路悠悠

送武處士歸章洪山居

形影無羣消息沉登門三繫血沾襟皇綱一口

開冤氣青史千年重壯心知宋本一作却望烏臺春樹

老獨歸蝸舍暮雲深何時縱有徵書去雪滿重

山不可尋

題義女亭

身沒蘭閨道日明郭南尋得舊池亭詩人愁立

暮山碧賈客怨離秋草青四望月沈疑掩鏡兩

簷花動認收屏至今鄉里風猶在借問誰傳義

女銘

吳門送振武李從事

晚促離筵醉玉缸伊州一曲淚雙雙欲攜刀筆

從新幕更宿煙霞別舊窓馬近秋侵紫塞吳

帆乘月下清江嫖姚若許傳書檄坐築三城看

受降

郊居春日有懷府中諸公并柬王兵曹



欲學漁翁釣艇新，濯纓猶惜九衢塵。  
花前更謝依劉客，雪後空懷訪戴人。  
僧舍覆棋消白日，市樓賒酒過青春。  
一山桃杏宋本一作李同時發，誰似東風不厭貧。

同韋少尹傷故衛尉李少卿

客醉更長樂未窮，似知身世一宵空。  
香車一作街寶馬嘶殘月，暖閣佳人哭曉風。  
未卷繡筵朱閣上，已開塵席畫堂中。  
何須更賦山陽笛，寒月沈西水向東。

大行早發廬陵郡郭寄滕郎中

楚客停橈太守知，露凝丹葉自秋悲。  
宋本一作時蟹螯只恐相如渴，鱸膾應防曼倩飢。  
風卷曙雲飄角遠，雨昏寒浪掛帆遲。  
離心更羨高齋夕，巫峽花深醉玉卮。

聞邊將劉臯無辜受戮

外監多假帝王尊，威脅偏裨勢不存。  
纔許誓心安玉壘，已傷傳首動金門。  
三千客裏寧無義，五百人中必有恩。  
却賴漢庭多烈士，至今猶自伏蒲輪。

送薛秀才南遊



姑蘇城外柳

宋本作草

初凋同上江樓更寂寥遶壁舊

塵風漠漠對窓寒竹雨瀟瀟憐君別路隨秋鴈

盡我離觴任晚潮從此草玄應有處白雲青草

一相招

夜歸孤山寺寄盧郎中

青山有志路猶賒心在琴書自憶家醉別庾樓  
山色滿夜歸蕭寺月光斜落帆露濕回塘柳開  
院風驚滿地花他日此恩須報得莫言空愛舊  
煙霞

贈桐廬房明府先輩

帝城春榜謫靈仙四海聲華二十年闕下書功  
無後輩卷中文字掩前賢官閑每喜江山靜道  
在寧憂雨露偏自笑小儒非一鶚亦趨門屏冀  
相憐

甘露寺感事貽同志

雲蔽長安路更賒獨隨漁艇老天涯青山盡日  
尋黃絹滄海經年夢絳紗雪憤有期心自壯報  
恩無處髮先華東堂舊侶勤書劔同出膺門是  
一家

游溪夜回寄道玄上人



南郭煙光異世間，碧桃紅杏水潺潺。  
猿來近嶺彌猴散，魚下深潭翡翠閑。  
猶阻晚風停桂檝，欲乘春月訪松關。  
幾回策杖終難去，洞口雲歸一作深

不見山

客至

或作趙嘏詩

得路逢津更俊才，可憐鞍馬照春來。  
殘花幾一作落

日小齋閑大笑，一聲幽抱開袖拂。  
碧溪寒潦繞

冠歌紅樹晚徘徊，相逢少一作分別更堪恨。  
何必秋

風江上臺

經李給事舊居

歸作儒翁出致君，故山誰復有遺文。  
漢庭使氣摧張禹，楚國懷憂送范雲。  
楓葉暗時迷舊宅，芳一作茅花落處認荒坟。  
朱絃一奏沈湘怨，風起寒波日欲曛。

新興道中

此下三首宋本闕

芙蓉村步失官金，折獄無功不可尋。  
初掛海帆逢歲暮，却開山館值春深。  
波渾未辨魚龍跡，霧暗寧知蚌蠃心。  
夜傍歸舟望漁火，一溪楓雨兩巖陰。

下第有懷親友

并序



余下第寓居杜陵親友間或登上第或遂閑居  
或抵湘沅或游鄜因抒長句

萬山晴雪九衢塵何處風光寄夢頻  
花盛庾園攜酒客草深顏巷讀書人  
征帆又過湘南月旅館還悲渭北春  
無限別情多病後杜陵寥落在漳濱

中秋夕寄大梁劉尚書

汴人迎拜洛人留虎豹旌旗擁碧油  
刁斗嚴更軍耳目戈鋌長控國咽喉  
柳營出號風生燾蓮幕題詩月上樓  
應念散郎千里外去年今夜醉

蘭舟

七言絕句二十六首

緱山廟

王子求仙月滿臺玉簫清轉鶴徘徊  
曲終飛去不知處山下碧桃花自開

秋日

琪樹西風華簟秋楚雲湘月憶同遊  
高歌一曲掩明鏡昨日少年今白頭

寄桐江隱者

潮去潮來洲渚春山花如繡草如茵  
嚴陵臺下



桐江水解釣鱸魚能幾人

送宋處士

賣藥脩琴歸去遲山風吹落桂花時世間甲子

須臾過

宋本

逢着仙人

宋本

莫看碁

聽吹鷓鴣

金谷歌傳第一流鷓鴣清怨碧雲愁夜來省得

曾聞處萬里月明湘水流

秦樓曲

秦女夢餘仙路遙月窻風簟夜迢迢伴郎翠鳳

雙飛去三十六宮聞玉簫

學仙二首

漢武迎仙紫禁秋玉笙瑤瑟祀崑丘年年望斷

無消息空閉玉城十二樓

心期仙訣意無窮彩畫雲車起壽宮間有三山

未知處茂陵松柏滿西風

酬康州韋侍御同年

桂檝美人歌木蘭西風裊裊露溥溥夜寒曲盡

意不盡月在瀟湘洲渚寒

金谷園

三惑沉身是此園古藤荒草野

一作暮

禽喧二十四



友一朝盡愛妾墜樓何足言

旌儒廟

寒谷

一作栢

陰風萬古悲儒冠相枕死秦時廟前亦

有商山路不學老翁歌紫芝

寄宋次都

朱檻煙霜夜坐勞美人南國舊同袍山長水遠  
無消息瑤瑟一彈秋月高

夜泊永樂有懷

蓮渚愁紅蕩碧波吳娃齊唱採蓮歌橫塘一別  
千餘里蘆葦蕭蕭風雨多

鴻溝

相持未定各爲

一作懷

君秦政山河此地分力盡烏

江千載後古溝荒草起寒雲

重經四皓廟二首

峩峩商嶺採芝人雪頂霜髯虎豹茵山酒一壺  
歌一曲漢家天子忌功臣

避秦安漢出藍關松桂花陰滿舊山自是無人  
有歸意白雲常在水潺潺

楚宮怨二首

十二山晴花盡開楚宮雙闕對陽臺細腰爭舞



君沉醉白日秦兵江上來

獵騎秋來在內稀  
渚宮雲雨濕龍君一作衣騰騰戰

鼓動城闕江上一作射麋殊未歸

晨起西樓宋本闕

留情深處駐橫波  
斂翠凝紅一曲歌  
明月下樓

人未散共愁三逕是天河

酬江西盧端公藍口阻風見寄之什

又攜刀筆從膺舟  
藍口風高桂檝留  
還似郢中

歌一曲夜來春雪照西樓

途經秦始皇墓

盤虎踞樹層層勢入浮雲亦是崩  
一種青山

秋草裏路人唯拜漢文陵

題楞伽寺

碧煙秋寺泛湖來  
水浸城根古堞摧  
盡日傷心

人不見石榴一作花滿一作舊歌臺

贈何處士

東別茅峯北去秦  
梅仙書裏說知人  
白頭主印

青山下雖遇唐生不敢親

經故太尉段公廟

徒想追兵緩翠華  
古碑一作荒廟閉松花  
紀生不



向榮陽死豈有山河屬漢家

鷺鷥鷺

此詩元本闕見宋本

西風淡淡水悠悠  
雪照絲飄帶雨愁  
何事歸心倚前閣  
綠蒲紅蓼練塘秋

夏日寄江上親友

雨過山前日未斜  
清蟬嘒嘒落槐花  
車輪南北已無限  
江上故人纔到家

傷李秀才

曾醉笙歌日正遲  
醉中相送易前期  
橘花滿地人亡後  
菰葉連天雁一作客過時  
琴倚舊窓塵漠漠

劍橫新冢草離離  
河橋酒熟平生事  
更向東流奠一卮

卧疾

寒窓燈盡月斜暉  
佩馬朝天獨掩扉  
清露已凋秦塞柳  
白雲空長越山薇  
病中送客難為別  
夢裏還家不當歸  
唯有舊書書未得  
卧聞燕雁向南飛

已上二詩元本正集闕見宋本今附於此

丁卯詩集卷上



